

Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

3. Quorum vox sit, Deum non curare Mundum?

urn:nbn:de:hbz:466:1-45653

lum suum relapsuras? Quæ, vt fixissimè & cum solatio credamus, credendum est necessariò, eum esse summè sapientem, summè iustum, summè sanctum, summè misericordem.

III.

Iob. 22.

1. Cor. 1. 23.

Genes. 3. 8.

Lucret.

IV.

Eccl. 16. 16.

Psal. 146.

Hac autem in re, vt paulo supra meminimus, non uno omnes ore loquuntur. Impiorum vox est: *Quid enim nonit Deus, & quasi per caliginem iudicat. Nubes latibulum eius, nec nostra considerat, & circa cardines cœli perambulat.* Christus, ipsa Dei sapientia erat; *Nos autem prædicamus Christum,* ait Paulus: *Iudeis quidem scandulum, gentibus autem stultitiam.* Has gentes, & illos impios imitantur, qui se putant, à nullo vindice, conspici, cum peccant; aut quibus non rectè videtur Deus iudicare, cum hoc, aut illud, permettit. Ipse Adam, postquam se reum agnouit, magis reum fecit, quando & se latere, & oculis omnia videntis subduci posse putauit. Nam *cum audissent vocem Domini Dei deambulantis in paradiſo ad auram post meridiem, abscondit se Adam & uxor eius à facie Domini Dei, in medio ligni paradiſi.* Huic errori alium addidit, quando culpam in ipsum Conditorem reiecit, dum in Euam reiecit, à Conditore datam, dicens: *Mulier, quam dedisti mihi soiem, dedit mihi de ligno & comedì.* Hac ipsa ratione multi, vt se excusent, non verentur accusare suum Conditorem. Quām cibri enim dicunt: Cur Deus mihi dedit naturam tam biliosam? cur tam iracundam? cur me fecit tam pronum ad libidines? cur sub Veneris, non sub Iouis stella voluit nasci? & sexcenta talia. Quin & sunt linguae, quas ita loqui audias: *Quid ad Deum pertinet, de me cogitare? non vacat illi, alia habet negotia; nimis est remotus.* Saltem plurimi sunt, qui non cogitent, se videri; aut aliter facturos se profiteantur, si ipsi ad Mundi clauum federent. Denique, apud Epicureum, si quis est Deus (dubitabat enim) talis est Deus, qui

Nec bene pro meritis capitur, nec tangitur ira.

Probiore fundamento probi nituntur. Audi sapientem Ecclasticum: *Non dicas: à Deo abscondar, & ex summo quis mei memorabitur?* In populo magno non agnoscar; *qua est anima mea in tam immensa creatura?* Ecce cælum, & cœli cœlorum, abyssus, & uniuersa terra, & quæ in eis sunt, in conspectu illius commouebuntur, montes simul & colles, & fundamenta terra, cum confexerit illa Deus, tremore concutientur. Ac aliud ait: *Sapientia eius non est numerus.* Nimirum,